

240.219
38
部 = 4

景甯縣志

第四冊	卷六	武備志
	卷七	職官志
	卷八	宣績志

景甯縣志卷之六

景甯縣知縣靈川周

杰纂修

武備志

天下可百年不用兵不可一日而忘戰折衝樽俎
簡冊稱之凡以見揆文者必審武也勝代以來

徒首禍我

朝聲靈震疊羣醜蕩平邑固地非衝要而閩疆甌海間
道實經前之人措置為久安計者故壘猶新雄關
依舊其分司斥堠皆足聯指臂而寄腹心則有備
無患彼飛揚跋扈者適見其自速厥辜耳固磐石

景甯縣志

卷之六武備

總論

以奠封疆其道可預券也志武備

中華民國
行銀民長國中
行銀民長國中

LIBRARY OF THE

FARMERS BANK OF CHINA

城池

城高池深地利也言人和者不恃此然而與民同守築鑿基先斯足杜侵凌以安土宇景色羣山插擁濠塹難施自明季堵築以還率藉是而資保障雖恬熙日久舊址半湮固捍圍者所宜加意也

邑舊無城郭明崇貞十三年知縣徐日隆因盜賊叢

生出沒無定苦難防守於是築石為城周二里有

餘作六門正東曰行春門有樓顏曰東小東門樓

顏曰東大南門樓顏曰南小南門無樓西門樓顏曰西

北曰承恩門有樓顏曰北共五樓其所需經費

景甯縣志

卷之六 武備

城池

二

則籍諸寺田以充之今地毀殆甚而牆址猶存焉

洞天門 在縣北華嶺明正德間知縣陳傑建

國朝咸豐十年知縣李作幹因寇警加築女牆於上

會衢門 在城北即舊承恩門改名案康熙張志承

和縣丞林芬建考雲和志今作芝其
有無委代本色蓋世遠而難稽考矣

廣明門 在城南

春華門 在城東俱雍正間知縣李應機建久廢

舊志云無城而何有門此第於往來必經者從而

門之豈云扼險抑邑之鎖鑰亦在是矣案省郡志

邑無城有關門四東曰行春南曰統政皆今坊名並統政亦自在北至西曰毓秀北曰拱辰故老鮮有知者

關隘

重門擊柝以待暴客而疆域之紛紜交錯么麼出沒最易為奸守禦尤所難緩有明中葉倭氛逼境特設嚴關東南一帶險隘星羅皆以壯聲援而資捍衛彈丸僻壤中數百年規模可訪是在臨事者控扼之有方耳

龍首關 在縣東六都王木阮懸崖絕壑最稱險要旁為龍腦橋

龍滙關 在縣北二都滙邊舊址無考今距村上游半里

瀕溪絕壁頗為峻險

景甯縣志

卷之六武備 關隘

三

白鹿關 在縣北一都萊草隨川直入兩岸懸崖僅

開一徑名石岡嵐同治元年流寇分黨由此竄雲

三關俱明嘉靖三十六年知縣鍾夏嵩建久廢

綠桐隘 在縣東六都距龍首關三十里與青田八都相接

明正統十四年黃磧盜起今屬青田守此不入境

蘆棲隘 在縣東南五都徐壟村後即蘆棲與泰順小堰

圓橋相接

蜂桶隘 在縣東南五都東阮與泰順上地相接

石佛隘 在縣東南五都東塘舊志作東阮誤與泰順洋寮

相接明嘉靖三十七年倭寇莒岡泰順境邑守三隘

而安

分水隘 在縣南五都上標舊有泚兵六名與泰順嶺北板

場相接

青草隘 在縣南五都魚滌與壽甯直源處後坳頭

分水相接

黃垓隘 在縣西四都後溪與慶元庫尖平石溪橋

相接有高洋驛舍遺址舊志隘雖孔道而山徑錯出難以守禦殊為虛設

去此二十里有青草梧桐嶺舊志作隘兩石相距僅容

跋履雖屬慶界實本邑所當據守之區明嘉靖五

年礦徒剽掠慶元諸鄉守此得無侵

景甯縣志 卷之六 武備 關隘 四

營壘

君子建威銷萌特設之以資鎮撫時而屯居營伍時而訓練場間器具聿修巡防罔懈非徒耀德不觀已也舊時營舖並教演諸區往蹟昭然皆師武臣所有事捍牧者果綢繆克善又何在而來風鶴之驚歎

防守營房 在縣北石印山下詳見衙署

北岸兵房 在縣北十里大溪前雍正九年知縣汪士

璜建平屋三間舊有泚兵六名久廢以上營房

演武場 卽舊縣治遺址嘉慶三年知縣周鎬建廳

訓練兵士及考校武童皆於此

閱兵臺 在縣西社壇院 金僊寺洋 明萬曆十三年知縣

姜師閱建亭三楹自題額久廢 以上教場

縣前舖 在縣西三十步 金錫庵巷口 司兵三名

北岸舖 在縣北十里 即兵房側 司兵二名

中巒舖 在縣北二十里接雲和界 雍正府志作洪嶺舖 司兵二名

康熙間知縣高棠萼重建均廢 以上舖舍

軍器 附 局 在營房 詳見衙署 舊時所置鎗刀火器軍裝並

毀同治十二年 月續行頒補烏鎗九龍袋大角

門藥角各二十具 以上器械

景甯縣志 卷之六武備 營壘 五

兵制

古寓兵於農自成周司馬與司徒並設而軍政特

詳蓋安民必資於弭寇也邑隸鎮標中營 員額詳職官門

舊設弁兵遞多裁減民勇兼團要在戒虛糜而收

實效耳是以君子聽鼓鼙之聲則思將帥之臣

明初僉弓兵一十五名屬沐溪司巡檢專司巡鹽後

定縣額經制民兵二百名 舊志作民壯每名歲支工食銀七兩二錢雍正

府志作歲徵餉銀七百五十大兩互有異同 節奉抽取本府團操六十

五名竹口 沈屬 防守四十名在縣差操九十五名

後病數募議以二名作三名充當 每名歲支工食銀五兩八錢

國朝因餉匱順治八年裁汰實存民壯即民五十名每名

給工食銀六兩雍正間設汛兵四十八名北岸汛兵六名

上標汛兵六名共六十名見府志隨又減存五十名

內撥本府十六名分府六名縣防操二十八名外

舖司兵七名工食錢兩另詳賦役門後復額定戰守兵丁三十三名

同治七年奉文減兵增餉本邑減四存六按額實

坐兵丁二十名俱鎗內戰兵六名每名月給餉銀二兩五錢守

兵十四名每名月給餉銀一兩五錢以上銀均赴

除縣存留米三石外應支月糧由府共該前額隨

移撥抵補其書識一名另行考充

為挑選兵丁以時訓練焉

景甯縣志

卷之六武備

民兵一為鄉勇明嘉靖三十三年倭寇鄰境募勇若

千名以禦之事本縣志

國初山寇猖起探報無常歲時鄉兵按家抽取縣尹統

之汛兵防奔馳之進剿則汛兵先而鄉兵繼鳥鎗

技擊頗有擅優舊志民兵養備而外無長物松

管特鳥鎗以角為號而戒等皆故俗願諸乎此設

一旦機槍示警集而用之亦守禦之有技也近奉

私藏之禁用者統限以尺七寸為制不能無事則

撤以歸田緩急俱堪相恃近自咸豐初年寇氛寢

熾奉文城鄉督辦民團規為益密故禦剿咸克思

奮云

附保甲

舊法城鄉每十家爲保選立保正副各一人置鑼二
銃一自用一保夫夜巡保夫各置長槍一本牌一
牌上書城鄉總甲某保正某保副某保夫某某編
就次第輪流應會亦不拘留在官致妨農業其保
夫十名每夜更班鳴鑼巡邏一家有警保正副即
率衆救援不救者罪凡屬期望傳集各鄉保衆按
名點視戒令互相覺察一人窩匪九家舉首不首
者連坐庶民知捍衛而不肆今法十甲爲一保立
一保正十家爲一牌立一甲長其畬民則編爲寨長每家給

景甯縣志

卷之六武備

保甲

七

一門牌登記戶口申明條約懸諸門首倘有遷移
事故通知甲長於循環二簿更註與舊制稍異而
覺察救援其經畫較昔尤詳密焉

舊志云景邑僻處深山長林豐草每二三十里無
人烟而鄰邑間多盜藪大畧素爲東路之害壽甯
厯爲南鄙之憂慶之桂溪數流毒於西青之九都
嘗爲禍於北又或內地奸匪爲之窩引盜之所以
易於烏合也守土者能善行保甲嚴戢吏胥則閭
閻有利而無害內之奸宄絕外寇亦無自以生覬
覷矣

戎事

黃帝戰涿鹿與阪泉而蚩尤以靖平陂往復自昔
為然明時邑并籍於青前茲兵燹皆世遠而難徵
信鼎革後么麼竊發數百年復見跳梁乃劫火甫
經凱歌旋唱蓋閭閻之安席有由矣大事所傳特
紀之以為龜鑒

明

正統十四年青田柔遠鄉亂聚兵攻劫沐溪茶章白
警疑即今白深洋大際等處所在皆為賊巢命守臣
兵部尚書孫原貞剿之復命都御史陳詔青田人見府志

景甯縣志

卷之六武備

戎事

八

傳 勳烈

招撫餘寇之散各縣者詔習知要害乃募丁

壯據險以守大溪屯金水小溪屯白巖

今屬青田水陸

有備賊不敢犯又遺耆老葉子雲李存餘遍至賊

巢諭以禍福眾皆感悟事遂平鄉民避難甌城者

至是皆歸

是時尚有闖賊鄧茂七自十三年變境凡三載云

隆慶五年邑殲徒糾眾突出平昌

即今遂昌知縣陳巖之

招之歸治其首謀民始復業

崇貞十三年寇八十三人夜掠縣北次早邑民邀其

歸路賊執縣宰徐日隆以行民乃聽之去既而徐

公歸復追之寇設伏羅山銅嶺

在五都

追者死十餘

人徐公使人潛尾之知為壽甯李長阮匪黨詳請屠滅

國朝

順治四年十一月湯日旭陳可擢葉如馨等聚眾千餘人分犯雲和龍泉諸縣遊擊劉登瀛討平之

五年六月鄰賊馮生舜吳懋修等犯生舜自泰順

來至五都大際懋修則率眾屯劄章阮舊志作張阮誤東

阮地方雍正府志懋修慶元貢生嘗開劉官兵中藻為門生於是年二月勾眾作亂

擊之敗走次月生舜又同章雲飛金龍等攻縣至而金龍被擒

景甯縣志

卷之六武備

戎事

九

六年二月賊首吳省元等犯上標地方厲老來等犯

上澤地方今失所在防守千總郭自成禦之退

又口年寇數百人掠六都著守把總李有功退

遛不前知縣林忠順率鄉兵以行弁兵乃進合擊之擒賊魁數人斬於演武場

八年賊首王應舉聚眾焚劫邑中墟舍遊擊劉登瀛

督兵追剿梅騰二村應舉大敗隨遁去大陰源頭

地方均失所在登瀛沿路剿捕直至青田應舉計窮委

地乞降方獲平

又口年閩寇自稱洪太師有眾盈萬由五都大際路

驟逼城下千總郭自成以兵百人分兩道進徙以
民兵擊敗之斬首數百級

又口年有寇千餘掠五都章阮千總郭自成將百人

繼率民兵擊之斬首數十級自是寇稍聞焉舊志是時

山寇擾邑甚多不可勝紀

康熙十三年正月

同知趙瑾署縣以其制方急徵比頗嚴當穀值奇

賤一石僅銀八九分糧戶大窘貧無賴者轉思趨亂以蘇

其困聞

亦嘗通

景甯縣志

卷之六武備

十

出境備之不意五月初八日又有蔡林二寇率眾

五百餘自大勝由六都梅岐犯縣左朝極北走莘

嶺為寇追及死焉案朝極陝西人通志據表忠冊所載殉難事蹟或係傳述異辭

今仍前十三日黃寇始由五都大際犯縣屯於西

溪有餘獲數人大際居民執而戮之寇怒發眾盡

焚大際廬舍復與蔡林戰惡其殺左把總也不利

從四都路遁去惟蔡林據縣縱掠窮谷深山無遠

不到七月耿將偽總兵徐尚潮陷處州發兵剿之

乃康去雍正府志尚潮原係處協中軍陞授福建游擊因獲罪囚禁耿逆倡亂釋授偽官致

敵通善屬兵卒誘降諸邑時合郡官皆降獨趙公瑾單騎赴省

縣印賴以不失典史張文煥訓導方游龍路於寇

印記並沒儒學印記於康熙十六年教諭史鑑詳請後給由是地籍於偽

困苦沈離備極三載十五年九月貝子甯海將軍

福喇哈副都統瑪哈達率溫州總鎮李榮陳世凱

以次恢復全郡邑民流散者至是始歸剪榛誅棘

村里半墟矣

三十六年十月二十八日牛頭山寇為郡鎮兵擊敗

案郡雲二志並載牛頭山寇作亂為康熙四十八年閩匪彭子英事今父老猶有能言者而三十六年未聞寇警前志所載互為歧異併識之以俟考有餘黨五十三人潰走

至縣北二都大常村處協右營守備高堃尾追之

景甯縣志

卷之六武備

十一

殺賊首二級防守把總沈承宗復率民兵追至一

都大順口偕左營都司保譜合剿之眾皆斬獲

咸豐三年七月饑民嘯聚為變知縣宋純修督率民

勇八百餘人偕防守把總華金聲至縣北外卸合

捕之殲其首謀餘眾解散

八年三月粵匪偽翼王石達開由江西陷郡分軍四

出繼陷雲和邑人大駭五月生員徐登瀛倡義督

率各鄉團勇四千餘人於十五日分道馳赴雲和

會剿時登瀛合二五六七各都民勇一由泗洲嶺

屯劄溫溪一出三望嵐屯劄溪口十六日晨早進

攻賊營連勝至黃水確其一都棗草源諸勇攻至
竹阮遇賊接仗民勇楊三妹等戰死同死者楊孫
兒張世金棟
七好凡三人三都勇進逼村頭被圍勇首葉遇坤力戰
死之賊隨後大股復集驟雨如注登瀛戰敗力竭
歿於陣同死者徐斌鳳季世妹雷嚴孫以及秦順
楊發良等凡九十人以上陣亡義勇自
是年申詳後並據同治四年知縣張鴻補詳
冊案彙蒙分別旌卹入祠詳秩祀門知縣
吳瑞龍復檄紳董募勇戒嚴至六月中旬堵禦無
懈寇始憚而不入境尋遁去

同治元年二月初九日流寇朱義陸鵬龔永所屬偽
元帥陳徐彭江等率眾男婦二千餘人由雲和犯

景甯縣志

卷之六武備

戎事

十一

縣即午搜掠城隅東南諸鄉知縣管書勳至東阮
賊連日分黨四出剽掠放火燒民廬舍北岸滙下
油田張村

獨山後包山下場埭口俞山滄邊三枝
樹大赤阮等處環縣數十里盡遭蹂躪被各鄉督

率團勇接戰賊頗挫衄十三日巳刻又並各鄉勇

擊賊於城東敬山官洋敗之十四日有細作至白

郡城被防守北岸民勇獲其筋勉實力鎮守偽書

十七日賊五十餘人復至北岸攻劫勇首林瑞美

戰死子嘉順被
執同死之十八日暮嶺頭團勇議進薄城下

決戰晨早賊忽掩至民勇孫仁在戰敗死之同死
者孫

仁茂梅士廣
等凡十四人遂焚縣南諸鄉時五六各都並青田

瑞安勁勇由三枝樹馳赴張村援剿破其前隊戰死

者吳光洋葉老五並青田周湯羹金從禮趙巖木張良三等凡六人約期會合六鄉

民勇四千餘人入城奮擊賊始大懼是日復有餘

黨四五十人循溪至滙下哨探渡河民勇禦之始

退隨放火燒外卸沿途民屋次早六鄉民勇奮擊

賊尋潰奔自外卸過灘儘多滄溺過巖頭始聞砲

聲仍竄還雲和此大殉難生員潘製錫民人王明

氏等九人並於五月案內彙詳

又五月溫州金錢會匪潰散誘合偽侍王李世賢弟

黨所屬潘胡朱高喻楊陳等大股分道入寇一由

景甯縣志

卷之六武備

戎事

三

青田九都至門潭朱洋一都地名賊衆自相殘殺積尸

成邱一由青田白巖過長山嶺與前股會於大瀾

十三日自下港笑逼縣城另分一枝由葦草源入

雲和自稱有十萬餘衆日夜兼程不絕大肆焚掠

環縣諸鄉內而湯阮茗源滌頭泥山等處以及大

溪沿岸一帶半爲灰燼其金錢頭目賊黨以其引

導失機焚磔死焉十五日自辰至午大霧漫天咫

尺不辨人物賊勢頗窘十七日團勇集擊賊潰奔

雲和一路而去其自相屠戮慘不勝言至七月十

八日副帥林文策遊府白瑛等大兵進剿以次克

復處州邑境始甯

此大殉難遇賊不屈貢生陳以道曾民王明瑞婦女季葉氏死

者凡五十二人並前咸豐八年五月本年二月節

次陣亡殉難人氏謹據同治四年彙詳冊案蒙准

分別 旌卹入祠其姓氏詳秩祀門案此外尚

有民人盧炳超劉大衆確係當時殉難者特并識

於此 續據採訪咸豐八年五月竹院及勳陣亡

呈報道憲案內尚有徐勝生王火南王國初劉林

院細並雲和王松遂趙世奶麗水之夏世銅凡

七人 外二都之劉耀標畚民雷龍發凡二人

景甯縣志

卷之六武備

戎事

古

